

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

ঢাকা, বৃহস্পতিবার ২৮ জুলাই ২০১৬, ১৩ শ্রাবণ ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। জনগণের মধ্যে জঙ্গিবিরোধী অবস্থান সৃষ্টি হয়েছে : সংসদে প্রশ্নোত্তরকালে প্রধানমন্ত্রী অর্থনৈতিক অধ্যক্ষ প্রতিষ্ঠা করে কর্মসংস্থান ও সমৃদ্ধি নিশ্চিত করুন : বেজা কর্তৃপক্ষকে প্রধানমন্ত্রী
- ২। যে কোনো মূল্যে দেশ থেকে সন্ত্রাস ও জঙ্গিবাদ নির্মূল করতে হবে : রাষ্ট্রপতি
- ৩। যে কোনো মূল্যে দেশ থেকে সন্ত্রাস ও জঙ্গিবাদ নির্মূল করতে হবে : রাষ্ট্রপতি
- ৪। জঙ্গিবাদ রোধে আলেম সমাজ গুরুত্বপূর্ণ ভূমিকা রাখতে পারে : আলোচনা সভায় শিক্ষামন্ত্রী
- ৫। আগামী ছয় মাসের মধ্যে জেলা পরিষদ নির্বাচন : ডিসি সম্মেলনে স্থানীয় সরকারমন্ত্রী
- ৬। আমরা জঙ্গিবাদ ধ্বংস করতে চাই : তথ্যমন্ত্রী
- ৭। দিল্লিতে বাংলাদেশ ও ভারতের স্বরাষ্ট্রমন্ত্রী পর্যায়ের বৈঠক আজ : গুরুত্ব পাবে নিরাপত্তা ও সন্ত্রাসবাদ ইস্যু
- ৮। রাজধানীর কল্যাণপুরের অভিযানে নিহত সাত জঙ্গির পরিচয় প্রকাশ
- ৯। শেষ হলো দশম জাতীয় সংসদের একাদশ অধিবেশন : বাজেটসহ ১৬টি বিল পাস
- ১০। বাংলাদেশে ব্রিটিশ কাউণ্সিলের অফিস সাময়িক বন্ধ ঘোষণা : পরীক্ষাসহ অন্য কার্যক্রম চলবে
- ১১। বিশ্ব হেপাটাইটিস দিবস আজ

১। জনগণের মধ্যে জঙ্গিবিরোধী অবস্থান সৃষ্টি হয়েছে : সংসদে প্রশ্নোত্তরকালে প্রধানমন্ত্রী

প্রধানমন্ত্রী শেখ হাসিনা বলেছেন, সারাদেশে ইতোমধ্যে জনগণের মধ্যে জঙ্গিবাদবিরোধী দৃঢ় অবস্থান সৃষ্টি হয়েছে। স্বল্পসময়েই আমরা দেশে গণসচেতনতা সৃষ্টি ও জাতীয় ঐক্য গড়ে তুলতে সক্ষম হয়েছি। এটা সমগ্র বিশ্বের কাছে দৃষ্টিত্ব হয়ে থাকবে। তিনি জঙ্গি-সন্ত্রাসীদের পাশাপাশি তাদের অর্থনীতা, অন্তর্দাতা, মদদাতাসহ নেপথ্যে থাকা সকলকে খুঁজে বের করে আইনের আওতায় আনার অঙ্গীকার পুনর্ব্যক্ত করেন। গতকাল ২৭ জুলাই বুধবার জাতীয় সংসদ অধিবেশনে প্রশ্নোত্তর পর্বে একাধিক সম্পূরক প্রশ্নের জবাবে প্রধানমন্ত্রী এসব কথা বলেন। এ সময় অধিবেশনে সভাপতিত্ব করেন জাতীয় সংসদের স্পিকার ড. শিরীন শারমিন চৌধুরী। সূত্র-ইত্তেফাক (পৃ.১,ক.৬), সংবাদ (শেষ পৃ.,ক.২), নিউ নেশন (শেষ পৃ.,ক.৬), নিউজ টুডে এ বিষয়ে লিড নিউজ ছেপেছে।

২। অর্থনৈতিক অঞ্চল প্রতিষ্ঠা করে কর্মসংস্থান ও সমৃদ্ধি নিশ্চিত করুন : বেজা কর্তৃপক্ষকে প্রধানমন্ত্রী

অর্থনৈতিক অঞ্চল প্রতিষ্ঠা করে কর্মসংস্থান ও সমৃদ্ধি নিশ্চিত করতে প্রধানমন্ত্রী শেখ হাসিনা দেশে সরকারের পরিকল্পিত একশ অর্থনৈতিক জোন প্রতিষ্ঠা করে দেশি-বিদেশি বিনিয়োগ আকৃষ্ণের মাধ্যমে কর্মসংস্থান সৃষ্টি এবং অর্থনৈতিক সমৃদ্ধি নিশ্চিত করার জন্য বেজা কর্তৃপক্ষের প্রতি আহ্বান জানিয়েছেন। প্রধানমন্ত্রী শেখ হাসিনা গতকাল ২৭ জুলাই বুধবার তার তেজগাঁও কার্যালয়ে বাংলাদেশ অর্থনৈতিক অঞ্চল কর্তৃপক্ষের (বেজা) গভর্নিং বডির সভায় সভাপতিত্বকালে এ আহ্বান জানান। সূত্র-সংবাদ (শেষ পৃ.,ক.৫), জনকর্ত (শেষ পৃ.,ক.৬), ইভিপেনডেন্ট (পৃ.৯,ক.১), নিউজ টুডে (শেষ পৃ.,ক.১)।

ভোরের কাগজ, বাংলাদেশ টুডে, এ বিষয়ে ছবিসহ খবর ছেপেছে।

৩। যে কোনো মূল্যে দেশ থেকে সন্ত্রাস ও জঙ্গিবাদ নির্মূল করতে হবে : রাষ্ট্রপতি

রাষ্ট্রপতি মো. আবদুল হামিদ দেশের মাটি থেকে যে কোনো মূল্যে সন্ত্রাস ও জঙ্গিবাদ নির্মূল করতে বিভাগীয় কমিশনার ও জেলা প্রশাসকদের আহ্বান জানিয়ে বলেছেন, ধর্ম নিরপেক্ষতা ও সাম্প্রদায়িক সম্প্রীতির এক উজ্জ্বল দৃষ্টিত্ব বাংলাদেশ। কিছু ধর্মান্ধ, বিপথগামী ও সন্ত্রাসী এ দেশের সাম্প্রদায়িক সম্প্রীতি ও স্ত্রিশীলতা বিনষ্ট এবং দেশের অর্থনৈতিক উন্নয়ন বাধাগ্রস্ত করার অপচেষ্টায় লিঙ্গ রয়েছে। সন্ত্রাস ও জঙ্গিবাদের ব্যাপারে সরকারের স্পষ্ট ও সুদৃঢ় অবস্থান হচ্ছে জিরো টলারেস। আপনাদের এ নীতির আলোকেই সর্বাত্মক পদক্ষেপ নিতে হবে। তিনি বলেন, বিভিন্ন অনুষ্ঠানে অংশ নিতে জেলা, উপজেলা ও ইউনিয়ন সফরে যাবেন তখন সন্ত্রাস ও জঙ্গিবাদের কুফল এবং এর পরিণতি সম্পর্কে জনগণকে আপনারা অবহিত করবেন। রাষ্ট্রপতি গতকাল ২৭ জুলাই ঢাকায় প্রধানমন্ত্রীর কার্যালয়ে বিভাগীয় কমিশনার ও জেলা প্রশাসকদের সঙ্গে মতবিনিময় সভায় ভাষণকালে এ আহ্বান জানান। সূত্র-জনকর্ত (পৃ.১,ক.৮), অবজারভার (শেষ পৃ.,ক.৫), ডেইলি সান (পৃ.২,ক.২)।

৪। জঙ্গিবাদ রোধে আলেম সমাজ গুরুত্বপূর্ণ ভূমিকা রাখতে পারে : আলোচনা সভায় শিক্ষামন্ত্রী

শিক্ষামন্ত্রী নুরুল ইসলাম নাহিদ বলেছেন, আলেম-ওলামা, ঈমাম-মুয়াজিনরা সমাজের নেতা হিসেবে সন্ত্রাস ও জঙ্গি তৎপরতা রোধে গুরুত্বপূর্ণ ভূমিকা পালন করতে পারেন। মন্ত্রী গতকাল ২৭ জুলাই বুধবার ঢাকার ফর্মগেটে কৃষিবিদ ইনসিটিউট মিলনায়তনে সন্ত্রাসবাদ প্রতিরোধে আলেমদের ভূমিকা শীর্ষক আলোচনা সভায় বক্তৃতায় এ কথা বলেন। ইসলামি আরবি বিশ্ববিদ্যালয়ের অধিভুক্ত ১ হাজার ৩০' ফাজিল-কামিল মাদ্রাসার অধ্যক্ষরা এ আলোচনা সভায় অংশ নেন। সূত্র-ভোরের কাগজ (পৃ.২,ক.২), জনকর্ত (শেষ পৃ.,ক.২), বাংলাদেশ টুডে (পৃ.১,ক.৮), নিউ নেশন (শেষ পৃ.,ক.২)।

৫। আগামী ছয় মাসের মধ্যে জেলা পরিষদ নির্বাচন : ডিসি সম্মেলনে স্থানীয় সরকারমন্ত্রী

আগামী ৬ মাসের মধ্যে জেলা পরিষদের নির্বাচন দিতে যাচ্ছে সরকার। এ লক্ষ্যে আইন পরিবর্তনের কাজ চলছে বলে জানিয়েছেন স্থানীয় সরকারমন্ত্রী খন্দকার মোশাররফ হোসেন। গতকাল ২৭ জুলাই বুধবার সচিবালয়ে ডিসি সম্মেলনের দ্বিতীয় দিনে এ কথা জানান মন্ত্রী। তিনি ডিসিদের ইউনিয়ন পরিষদ পরিদর্শন করার নির্দেশ দিয়েছেন। সূত্র-যুগান্ত্র (শেষ পৃ.,ক.৮), সংবাদ (শেষ পৃ.,ক.৪), ইভিপেনডেন্ট (পৃ.১,ক.৮)।

৬। আমরা জঙ্গিবাদ ধ্বংস করতে চাই : তথ্যমন্ত্রী

নির্দিষ্ট কোনো দল নয়, বর্তমান সরকার জঙ্গিবাদ ধ্বংস করতে বন্ধপরিকর বলে মন্তব্য করেছেন তথ্যমন্ত্রী হাসানুল হক ইনু। গতকাল ২৭ জুলাই বুধবার রাজধানীর ওসমানী স্মৃতি মিলনায়তনে বাংলাদেশ বেতার আয়োজিত এক আলোচনা সভায় দর্শকদের প্রশ্নের উত্তরে তিনি বলেন, আমরা জঙ্গিবাদ ধ্বংস করতে চাই। কোনো দল কিংবা মতামত নয়। দেশ, সমাজ, ধর্ম, সংস্কৃতি বাঁচানোর জন্য আমাদের সরকার সন্ত্রাস ও জঙ্গি দমনে কাজ করছে। গতকাল ২৭ জুলাই বুধবার জঙ্গিবাদের বিরুদ্ধে জনসচেতনতা বাড়ানোর এই আয়োজন বেতারের মহাপরিচালক এ কে এম নেছার উদ্দিন ভুঁইয়ার সভাপতিত্বে সকাল ১০টায় শুরু হয়। সভায়

=৩=

বিশ্ববিদ্যালয়ের শিক্ষক, মসজিদের ঈমাম, মাদ্রাসার শিক্ষক, আলেম, উলামা, মাশায়েখসহ বিভিন্ন স্তরের মানুষ অংশ নেন। পরে মন্ত্রী নর্থ সাউথ ইউনিভার্সিটিতে জঙ্গিবাদবিরোধী এক সমাবেশে বক্তব্য দেন। সূত্র-ভোরের কাগজ (পৃ.২,ক.৬), যুগান্তর (পৃ.৩,ক.১), বাংলাদেশ টুডে (পৃ.২,ক.৬), অবজারভার (পৃ.২,ক.২)।

৭। দিল্লিতে বাংলাদেশ ও ভারতের স্বরাষ্ট্রমন্ত্রী পর্যায়ের বৈঠক আজ
: গুরুত্ব পাবে নিরাপত্তা ও সন্ত্রাসবাদ ইস্যু

ভারতের দিল্লিতে আজ বাংলাদেশ ও ভারতের স্বরাষ্ট্রমন্ত্রীদের মধ্যে বৈঠক অনুষ্ঠিত হতে যাচ্ছে। বৈঠকে নিরাপত্তা, সন্ত্রাসবাদ এবং সীমান্ত ব্যবস্থাপনা গুরুত্ব পাবে বলে মনে করা হচ্ছে। দুই দেশের স্বরাষ্ট্রমন্ত্রী পর্যায়ে চতুর্থতম বৈঠক এটি। গতকাল ২৭ জুলাই বুধবার বাংলাদেশের স্বরাষ্ট্রমন্ত্রী আসাদুজ্জামান খান কামাল দিল্লিতে ভারতের প্রেসিডেন্ট প্রণব মুখার্জি এবং প্রধানমন্ত্রী নরেন্দ্র মোদীর সঙ্গে বৈঠক করবে। বাংলাদেশি প্রতিনিধি দলের সঙ্গে বৈঠকে ভারতের পক্ষে স্বরাষ্ট্রমন্ত্রী রাজনাথ সিং সহ জাতীয় নিরাপত্তা উপদেষ্টা, পররাষ্ট্র মন্ত্রণালয়, বর্ডার সিকিউরিটি ফোর্স (বিএসএফ), মাদক নিয়ন্ত্রণ ব্যরো এবং উপকূলীয় রক্ষা বাহিনীর কর্মকর্তারা অংশ নিবেন। সূত্র-ইত্তেফাক (পৃ.১৫,ক.৭), সংবাদ (পৃ.১,ক.৬), ডেইলি স্টার (শেষ পৃ.,ক.৮), অবজারভার (শেষ পৃ.,ক.৫)।

৮। রাজধানীর কল্যাণপুরের অভিযানে নিহত সাত জঙ্গির পরিচয় প্রকাশ

রাজধানীর কল্যাণপুরের ‘জাহাজ বিস্টিং’ খ্যাত তাজ মঞ্জিলে পুলিশের অপারেশন স্টর্ম-২৬ অভিযানে নিহত ৯ জঙ্গির মধ্যে সাত জনকে শনাক্ত করা গেছে বলে জানিয়েছে পুলিশ। তারা হলেন দিনাজপুরের মোহাম্মদ আব্দুল্লাহ, পটুয়াখালীর আবু হাকিম নাসীম, ঢাকার ধানমন্ডির তাজ-উল হক রাশিক, গুলশানের আকিফুজ্জামান খান, ঢাকার সেজাদ রউফ অর্ক, সাতক্ষীরার মতিউর রহমান এবং নোয়াখালীর জোবায়ের হোসেন। এদিকে কল্যাণপুরে নিহতদের মধ্যে ছবি দেখে তিন জঙ্গির পরিচয় নিশ্চিত করেছে তাদের পরিবার। তারা হচ্ছেন ঢাকার নর্থ সাউথ ইউনিভার্সিটির বিবিএ’র শিক্ষার্থী সেহজাদ রউফ অর্ক ওরফে মরোক্কো, নোয়াখালী সরকারি কলেজের রাষ্ট্রবিজ্ঞান বিভাগের প্রথম বর্ষের ছাত্র জোবায়ের হোসেন ও চট্টগ্রামের ইন্টারন্যাশনাল ইসলামিক ইউনিভার্সিটির চতুর্থ বর্ষের ছাত্র সাবিরুল হক কণিক। সূত্র-ইত্তেফাক (পৃ.১,ক.৫), সংবাদ (পৃ.১,ক.১), বাংলাদেশ টুডে (পৃ.১,ক.৪)। সমকাল, যায়যায়দিন, যুগান্তর, নিউ নেশন, ইডিপেনডেন্ট, ডেইলি স্টার, ডেইলি সান এ বিষয়ে লিড নিউজ ছিপেছে।

৯। শেষ হলো দশম জাতীয় সংসদের একাদশ অধিবেশন : বাজেটসহ ১৬টি বিল পাস

শেষ হলো দশম জাতীয় সংসদের একাদশ অধিবেশন। আওয়ামী লীগ নেতৃত্বাধীন মহাজেট সরকারের টানা দ্বিতীয় মেয়াদের তৃতীয় বাজেট অধিবেশন ছিল এটি। গতকাল ২৭ জুলাই বুধবার রাতে প্রধানমন্ত্রীর সমাপনী বক্তব্যের পর স্পিকার রাষ্ট্রপতির আদেশ পাঠের মাধ্যমে বাজেটে অধিবেশনের সমাপনী ঘোষণা করেন। ৩২ কার্যদিবসের দীর্ঘতম এই অধিবেশনে সাড়ে ৩ লাখ কোটি টাকার মেগাবাজেট পাসের পাশাপাশি পাস হয় ১৬টি গুরুত্বপূর্ণ বিল। সূত্র-ভোরের কাগজ (শেষ পৃ.,ক.৫), জনকর্ত (পৃ.১,ক.৪), বাংলাদেশ টুডে (পৃ.১০,ক.২)।

১০। বাংলাদেশে ব্রিটিশ কাউন্সিলের অফিস সাময়িক বন্ধ ঘোষণা : পরীক্ষাসহ অন্য কার্যক্রম চলবে

বাংলাদেশে ব্রিটিশ কাউন্সিলের সব অফিস সাময়িকভাবে বন্ধ ঘোষণা করা হয়েছে। নিরাপত্তাজনিত কারণে ব্যবস্থা অনুকূলে এলে শীঘ্ৰই তা চালু করা হবে। যুক্তরাজ্যভিত্তিক আন্তর্জাতিক এ সংস্থার বাংলাদেশ পরিচালক বারবারা উইকহ্যামের পক্ষ থেকে গতকাল ২৭ জুলাই বুধবার গণমাধ্যমে পাঠানো এক বিজ্ঞপ্তিতে এ তথ্য জানানো হয়েছে। তবে আইইএলাটিএসসহ অন্যান্য পরীক্ষা ও কার্যক্রম নির্ধারিত সূচি অনুযায়ী চলবে বলে জানিয়েছেন প্রতিষ্ঠানটির হেড

অব মার্কেটিং অ্যান্ড কমিউনিকেশন আর্শিয়া আজিজ। সূত্র-যুগান্তর (শেষ পৃ.,ক.১), ইনকিলাব (পৃ.১,ক.৫) ইভিপেনডেন্ট (পৃ.১,ক.৬), বাংলাদেশ টুডে (শেষ পৃ.,ক.৫)।

১১। বিশ্ব হেপাটাইটিস দিবস আজ

আজ ২৮ জুলাই বৃহস্পতিবার পালিত হচ্ছে বিশ্ব হেপাটাইটিস দিবস। এবার দিবসটির প্রতিপাদ্য হচ্ছে ‘হেপাটাইটিস থেকে মুক্তি, এটা অধিকার’। স্বাস্থ্য অধিদপ্তরের হেলথ বুলেটিনে প্রকাশিত তথ্যানুযায়ী, সরকারি হাসপাতালে রোগী মৃত্যুরুকির দিক থেকে লিভারজনিত রোগে আক্রান্ত হয়ে মৃত্যুর অবস্থান তিনি নম্বরে রয়েছে। ফুসফুস ও পাকস্তুলীর ক্যাপ্সারের পর দেশে লিভার রোগে আক্রান্তদের অবস্থান। লিভার ক্যাপ্সার আক্রান্ত রোগীদের মধ্যে ৯০ শতাংশেরও বেশি হেপাটাইটিস ‘বি’ ও ‘সি’ ভাইরাসে আক্রান্ত। দিবসটি উপলক্ষে বাণী দিয়েছেন রাষ্ট্রপতি মো. আব্দুল হামিদ ও প্রধানমন্ত্রী শেখ হাসিনা। বাণীতে তারা হেপাটাইটিস ভাইরাস প্রতিরোধ ও নিয়ন্ত্রণে জনসচেতনতায় সবাইকে আরও এগিয়ে আসার আহ্বান জানান। সূত্র-সমকাল (পৃ.২,ক.৭), যুগান্তর (পৃ.৩,ক.২), ইভিপেনডেন্ট (পৃ.৩,ক.১), নিউ নেশন (পৃ.৩,ক.৭)।

সম্পাদকীয়

- ক. **ইন্ডেফাক** : সমাজের নানা অনিয়ম ও আইনের বাইরে গিয়ে কাজ করার প্রবণতা বন্ধ করার আহ্বান।
- খ. **প্রথম আলো** : মাত্র তিনি মাস আগে ১৪ কোটি টাকা ব্যয়ে নির্মাণ করা চাঁপাইনবাবগঞ্জ উভরমল্লিক গোমস্তাপুর সড়কের ২৫ কিলোমিটার সড়কের বিভিন্ন স্থানের খোয়া উঠে যানবাহন চলাচলের অনুপযোগী হয়ে পড়ার কথা উল্লেখ করে এ নিয়মের সাথে জড়িত ব্যক্তিদের বিরুদ্ধে ব্যবস্থা নেওয়ার সুপারিশ।
- গ. **সংবাদ**, প্রথম আলো, ইনকিলাব, ভোরের কাগজ, ডেইলি সান, ইভিপেনডেন্ট : কল্যাণপুরে জঙ্গিবিরোধী অভিযানে পুলিশের সফলতায় স্বত্ত্ব প্রকাশ করে আইন-শৃঙ্খলা বাহিনীর সক্ষমতা আরও বৃদ্ধির ওপর গুরুত্বারোপ।
- ঘ. **সমকাল** : বাংলাদেশ রোড স্ট্রাসপোর্ট অথরিটির (বিআরটিএ) নানা অনিয়ম-দুর্বীলি বন্ধে কার্যকর পদক্ষেপ নেওয়ার সুপারিশ।
- ঙ. **যুগান্তর** : প্রধানমন্ত্রী শেখ হাসিনা আগামী জাতীয় নির্বাচনের প্রস্তুতি নেওয়ার যে তাগিদ দিয়েছেন তাতে স্বাগত জানিয়ে এর সাথে সাথে সব দলের অংশগ্রহণ নিশ্চিত করার ওপর গুরুত্বারোপ।
- চ. **ইভিপেনডেন্ট**, নিউ নেশন : পাবনার ২৪০০ মেগাওয়াট রূপপুর পারমাণবিক বিদ্যুৎ প্ল্যান্ট নির্মাণে বাংলাদেশ সরকারের সাথে রাশিয়ার ঝণ চুক্তি হওয়ার বিষয় তুলে ধরে এ বিদ্যুৎ প্লান্টের ক্ষতিকর দিকগুলোর ব্যাপারে যথাযথ নিরাপত্তামূলক পদক্ষেপ নেওয়ার সুপারিশ।
- ছ. **ডেইলি সান** : মানবাধিকার এবং গণতন্ত্রের প্রাথমিক ধারণার ব্যাপারে ব্যাপক সচেতনতা বৃদ্ধির পদক্ষেপ নেওয়ার ওপর গুরুত্বারোপ।
- জ. **ডেইলি স্টার** : চিনএজ মেয়েদের বাল্য বিবাহ, শারীরিক নির্যাতন ও শিক্ষা থেকে বন্ধিত হওয়ার মত বাঁধাগুলো দূর করে তাদের মেয়েদের ব্যাপারে অধিকতর গুরুত্ব দেওয়ার সুপারিশ।
- ঝ. **নিউজ টুডে** : শিশুশ্রম পর্যায়ক্রমে বন্ধ করার পূর্বে শিশু শ্রমিকদের শারীরিক নির্যাতন বন্ধে কলকারখানায় নিরাপদ কাজের পরিবেশ তৈরি করাসহ কারখানা পরিদর্শনের ব্যবস্থা করার আহ্বান।
- ঝও. **নিউ এজ** : ঢাকার চারদিকের বুড়িগঙ্গা, শীতলক্ষ্যা, বালু ও তুরাগ নদী রক্ষায় কাজ করতে বাংলাদেশ নেতৃত্বে প্রস্তাবনাকে স্বাগত জানিয়ে প্রস্তাবনার সাফল্যের প্রত্যাশা ব্যক্ত করে সম্পাদকীয় প্রকাশ করেছে।

উপ-সম্পাদকীয়

প্রথম আলো পত্রিকায় প্রকাশিত কলামে বাংলাদেশে অর্থনৈতিক শৃঙ্খলা এবং সর্বক্ষেত্রে ব্যাপক দুর্বীলি ও চাঁদাবাজি কর্মাতে না পারলে সন্ত্রাসের অর্থায়ন বন্ধ করা যাবে না বলে উল্লেখ করা হয়েছে।

নিবন্ধ ও ফিচার

যুগান্তর পত্রিকায় প্রকাশিত ‘সন্তানের বিপথগামিতা রোধে পরিবারের ভূমিকাই মুখ্য’ শিরোনামের নিবন্ধে
ইফতেখার আহমেদ টিপু শিশুর সবচেয়ে বড় শিক্ষাপ্রতিষ্ঠান হল তার পরিবার বলে অভিমত প্রকাশ করেছেন।

#

ফারহানা/শুকলা/মরজিনা/সাঈদা/রশীদ/আফরোজা/২০১৬/৯.০০ ঘন্টা